

**Mittarfeqarfiiit A/S pillugu Inatsisartut inatsisaat****pillugu****Sanaartornermut Ataatsimiititaliap****Siunnersuutip aappassaaneerneqarneranut****ISUMALIUTISSISSLUTAA**

Sanaartornermut Ataatsimiititaliaq suliarinninnermini ukuninnga inuttaqarpoq:

Inatsisartunut ilaasortaq Kristian Jeremiassen, Inuit Ataqatigijit, Siulittaasoq  
Inatsisartunut ilaasortaq Siverth K. Heilmann, Atassut, siulittaasup tullia  
Inatsisartunut ilaasortaq Harald Bianco, Inuit Ataqatigijit  
Inatsisartunut ilaasortaq Anders Olsen, Siumut  
Inatsisartunut ilaasortaq Jens Kristian Therkelsen, Siumut

UKA 2022-imi ulloq 28. september siullermeerinninnerup kingorna ataatsimiititaliap siunnersuut misissorpaa.

**Siunnersuutip imarisaa siunertaalu**

Siunnersuummi matumani Aktianik piginneqatigiiffimmik Mittarfeqarfiiit A/S-imik taaguutilimmik Naalakkersuisut pilersitsinissaannut piginnaatinneqarput. Tamatuma saniatigut suliffeqarfiiup nammineertitap Mittarfeqarfiiup ilaanik piginneqatigiiffimmut nutaamut tamatumalu kingorna Mittarfeqarfiiit Kalaallit Airports Holding A/S-imut 100 %-mik Namminersorlutik oqartussanit pigineqartumut tunniussinissamik Naalakkersuisut piginnaatinneqarput. Nuna tamakkerlugu Mittarfiiit ingerlanneqarnerata aaqqissugaanikkut pitsaanerpaaaffimmiiitinnissaa siunertatut pingaarnerpajuvoq.

**Siunnersuutip Inatsisartunit siullermeerneqarnera**

Siunnersuut ataatsimut isigalugu tapserneqarpoq.

**Tusarniaanermiit akissutit**

Siunnersuut piffissami 15. Decemberri 17. januar 2022-mut tusarniaassutigineqarpoq. Tusarniaanermut akissutit siunnersuummut ilanngunneqarput, tamanna Inatsisartut Siulittaasoqarfianit ilusissatut piumasaqaatinut naapertuuppoq.

Tusarniaanermut attuumassuteqartut arlallit akissuteqarsimasut, tamatumalu malitsigisaanik Naalakkersuisut allannguutinik arlalinnik suliamut ilanngussaqarsimasut Ataatsimiititaliap paasivaa.

**Siunnersuutip aningaasatigut kingunerisassai**

Siunnersuutip piviusunngortinnerani aningaasatigut kingunerisassai siunnersuummi nalinginnaasumik oqaaseqaatini allaaserineqarput. Ataatsimiititaliaq tamatumunnga oqaassisaaqanngilaq.

**Ataatsimiititaliap siunnersummik suliarinninera**

Ataatsimiititaliap Ineqarnermut Attaveqaasersuutinullu Naalakkersuisoq ilisimatitsiviusumik ataatsimeeqatigivaa tassanilu inatsisissatut siunnersuut misissorneqarpoq. Ataatsimiinnermit atortut ilanngussatut 1-tut ilanngunneqarput.

Ataatsimiititaliaq aktianik piginneqatigiiffinngortitsineq, Mittarfeqarfuit aamma KAIR-ip kattunneqarnerat, piginnittunut tunngasut, ingerlatseqatigiiffiup ineriertortinnejarnissaanut pilersaarutit, kattunneqarnerani sulisut qanoq inissisimaneranut naalakkersuinikkut aningaasatigullu nakkutilliineq pillugu paasissutissanik ataatsimiititaliaq paasitinnejarnissaq.

Mittarfeqarfuit aamma KAIR-ip, kattunneqarnerisa arlalinnik pitsaaquteqartoq ataatsimiititaliaq naliliivoq. Siulersuisut suliamut ilisimasalinnik siulersuisoqarsinnaanissamut periarfissaqalernissaa, immikkut ittunik ilisimasalinnik sulisussaqarniarnermi unammillertutut inissisimasoqalernissaa pinngitsoortinnejarniartoq pitsaaqutitut annertuutut taasariaqarpoq. Ingerlatseqatigiiffiup ingerlaqqinnissaa ineriertortinnejarnissaanullu tunngatillugu ataatsimiititaliamit qupperneq 12-mi ilanngussaq 1-miittoq innersuussutigineqassaaq.

**Ataatsimiititaliap inassutai**

- Ataatsimiititaliap isumaqatigiittup siunnersuutip akuersissutigineqarnissaa inassutigaat

Taamatut oqaaseqarluni isumaliutissiisummillu allassimasutut paasinnilluni matumuuna ataatsimiititaliap siunnersuut aappassaaniigassanngortippaa.



Kristian Jeremiassen

Siulittaasoq



Siverth K Heilmann



Harald Bianco

Siulittaasup tullia



Anders Olsen

Jens Kristian Therkelsen